

職方典第一千五百卷

鶴慶府部彙考二

鶴慶府祠廟考

通志

本府

風雲雷雨山川壇在府治南一里

社稷壇在府城北二里

郡厲壇在府城北二里

城隍廟在府治西

文昌祠在府治南

武安王廟在府治北

潁川侯廟在府城南

六十里明洪武十六年侯征佛光寨駐兵於此民立廟春秋祀之

水洞祠在府南象眠山

下昔神僧贊陀囉哆有利導之功至今以四月八日祭之

西龍潭祠在府城西其下又有

龍寶黑龍白龍吸鐘諸潭祠以七月九日祭

東山廟在府治東十里

西山廟在府治

西十里

東嶽廟在府南一百二十里五山場

西嶽廟在白岩山北

關索廟在府

西南半里

白馬廟在府西南二里

馬神廟在府城東南

晏公廟在府南一百三

十里

旗纛廟在府北四里教場演武廳後明時設有鶴慶衛守禦千戶於霜降祀之



孝惠廟有二一在府東南姜營一在府北青元洞下

白龍廟在府西北五里

白姐廟

在府城外西北隅

白石廟在府南一百二十里北衙廠世傳孔明南征過魚塘村知山有

銀礦令人採鑿曾有老人教以煎煉之法叩其名應曰但呼我爲白石老人言訖不見鄉人祠祀之有碑記明隆慶間顯靈其廠大興 后稷廟在府南八里趙屯街

劍川州

風雲雷雨山川壇在治西一里

社稷壇在治西北一里

厲壇在治東二里

城隍

廟舊在治南臨大街規制湫隘知州彭銘捐俸改建於東門內廊廡弘敞比前壯觀舊宇改爲

三教堂

城隍古廟在州南一里元世祖出石門關至劍川屯兵廟左顯有靈異封爲城隍

之神

滄浪神廟在州北二里

靈帝廟在州南四里金華山唐蒙氏建

崔君廟在

州南三里祀唐長子令崔子玉元時顯應於此歲四月八日祭之

白土神廟在州南十七

里

白龍王廟在州西一里明正統中建

武侯廟在州治北

關聖廟有二一在下

北門協鎮林大忠重修一在上北門卽舊伽藍祠

龍王古廟舊祠在螳螂場因治西岩場

水患州民移鎮於崇仁寺左水患遂息凡祈晴禱雨無不靈應歲時社祭於此協鎮林大忠重

修 老君廟西山各村皆建 雪班山神廟在求仁甸 土地祠在州治內 昭忠

祠在西門內明時爲段恭節勅建春秋戊日州牧親祀 義穀祠在漢登爲段希顏有功德

於民鄉人祀之 魁星閣在西關外吏目陳忠茂建

寺觀附

本府

元化寺在府治南昔蒙氏因梵僧贊陀卓錫通水遂建此寺 龍華寺在府治東南十八里

元至正間土官高興重建 觀音寺在府城北 蘭若寺在觀音山驛西南三里有石洞

深五丈闊三丈巖嶂岑蔚飛泉瀑布清氣襲人 朝霞寺在府治西南十八里明成化十年

建 天壽寺在觀音山驛西南三里 龍江寺在府治北二十里 石寶寺在峯頂山

聖母殿有二一在府城內東南一在府城外東北郡人史紀棟建 青元洞寺在府北三十

里 大興寺在府東南十五里 地藏寺在府東五里康熙二十年僧福照募化重建

鶴雲寺在府治南十五里藍友桂曾其位合建 集慶寺在府南二十里郡人張信建

天地寺在府西七里今廢 雙濟寺在府南一百里俗名捨恭寺 妙覺寺在府治西郡

人史紀棟建 崇德寺在府治西南隅知府周集建康熙年間僧福照募化擴而營之

靈光寺在府東山郡人孫健建 林泉寺在府東十里 真武廟在府城北 水洞寺

在府治南二十五里知府周集建 松坡寺在府西五里 白衣寺在府治南 太元

宮在府治東明隆慶丁卯知府周贊麗江土官木高建規制宏敞藻繪奇麗爲府境宮觀之最

習儀之所

劍川州

崇仁寺卽崇真寺在州治西傍有水雲菴 廣明寺在州治南十五里 金華寺在金華

山 靈福寺在州南二里 石龍寺在州南五里壁上有生成觀音像 佛嶺寺在石

寶山頂 萬松觀在州西二里 積慶觀在州西南三里明洪武年間建 光明寺在

東門外 地藏菴在北門外 東山寺在青巖山麓 雙龍寺在丁卯城村內 石

蟬寺在東營村有石蟬生於崖壁崖頂有泉滴下蟬口蟬昔僅五寸今漸長有尺五寸寺建其右 慈雲寺金吾段昺建 寶相寺鶴慶土知府高倫建 鍾山寺有古蹟以上俱在

石寶山

興教寺在沙溪寺登村

雲鶴寺在求仁甸西邑村

元都觀

天山觀

彌陀菴

水雲菴

大覺菴楊隆業建以上俱在城北德峯山

靈泉菴金吾段昺建

準提閣御史陳奇猷建

玉皇閣在甸尾帶水環山俯瞰海中知州陳芳猷重建

文昌

宮張登甲建

海雲居僧普聯建

萬松菴在三寶山

滿賢林在州西四里

鶴慶府驛遞考

府志州志合載

本府

在城鋪在府治南一里

長康鋪在府治南十里

宣化鋪在府治南二十里

黑泥

哨鋪在府治西南五十五里

三場舊鋪在府治西南八十里南達大理

大登鋪在府

治北三十里達麗江

班登鋪在府治東三十里

鸚哥水鋪在府治東六十里

東

駭鋪在府治東一百里

渡口鋪在府治東一百三十里東達順州

劍川州

沙溪公館

易堤坪公館

清水江公館

鶴慶城內公館州守上府寓此向被回祿

基址尙存

州前鋪

清水江鋪

急遞鋪

易堤坪鋪

橋後鋪

羊層鋪

甸頭和鋪

馬皮關鋪

顛場鋪

鶴慶府兵制考

府志

本府

皇清開滇兵制

鶴麗鎮總兵一員駐劄本府

左右遊擊二員

守備二員

千總四員

把總八

員 馬戰兵一百四十名

步戰兵九百六十名

守兵一千二百名

皇清復滇兵制

康熙七年改鶴麗永北鎮爲永北協併儀勇前左二營爲鶴麗鎮以防腐古駐劄本府

鶴麗鎮總兵官仍舊制

中左右遊擊初設二員康熙二十四年添設一員添兵六百名

守備初設二員添設一員

千總初設四員添設二員

把總初設八員添設四員

馬戰兵初設二百四十名添設六十名

步戰兵初設九百六十名添設三百四十名

守備兵初設一千二百名添設三百名

分防

石鼓汛官兵六百名

阿喜汛官兵三百五十名

金江汛官兵一百五十名

打古

汛官兵一百名

麗江汛官兵一百名

巨甸汛官兵一百名

塔城汛官兵一百五

十名

倖可汛官兵五十名

橋頭汛官兵一百名

鳴音吾汛官兵一百名

觀

音山汛官兵五十名

姜營汛官兵三十名

一西南路接浪穹界由城內十里至長康鋪十里至高家寺十里至黑泥哨十里至麗江寺十

里至山神哨十里至瓜喇坡十里至三長舊十里至石巖頭十里至白草羅十里至大松坪十

里至板橋哨十里至觀音山十里至上牛街每塘設兵十名

一正南路接賓川州界由長

康鋪十里至桃樹河十里至三莊十里至波羅莊十里至松貴十里至大哨十里至沙木河十

里至七坪十里至獅子哨十里至捨茶寺十里至晏公廟十里至潘營十里至姜營每塘設兵五名 一正東路接永北界由長康鋪十里至班登十里至鸚哥鋪十里至長平至上江渡口禾米堵小渡口大客豈小渡口朶美大渡口共設兵二十八名 一正北路接麗江界城內十里至大板橋十里至大登十里至岡子哨麗江界共設兵十名 一正西路接劍川州界城內十里至金鳳哨十里至汝南哨劍川州界 西北路自金鳳哨十里至石灰窖十里至東哨十里至西哨十里至清水江麗江界

康熙二十一年新設劍川協鎮

協政副總兵官一員 中軍守備一員 千總二員 把總四員 馬戰兵一百名

步戰兵四百名 守兵五百名

鶴慶府物產考

通志

府總

石耳形如木耳氣極清久食延年

數珠菜生江中形類念珠

海棠葉出劍川類花紅

味酸

榧子出劍川能烏鬚

山驢出劍川

青銅魚出漾弓江中細鱗長不盈尺夏

月始出

麝出本府

香稻出羅陋川

細稻出大孟村

冷水稻三月栽六月熟

麓川稻種自麓川來

金裹銀稻皮紅米白

銀裹金稻皮白米紅

虎皮糯

珍珠糯

牛皮糯

松子糯

旱糯

蔓菁大如盃孟俗傳諸葛行軍所遺

白石菜

麥藍菜

一窩鷄

香蕓

甄蘭

石扁頭出蜂蜜河

岩洞魚出龍門舍海

火腿味似金華

餌線以米蒸熟乘熱杵

之成極薄餅截絲長二尺

山蘭產山谷中芳香最遠

蜜臘花形如蓮而小清香襲人

產白龍潭

寶山茶

堂梨膏

酥油俱出劍川州

鶴慶府古蹟考

通志州志合載

本府

諸葛寨在府南百四十里羅陋村武侯駐兵處

一盤水在大城坡頂昔蒙氏軍過此渴甚

拔劍插地得泉

磨陀石洞在石寶山頂之陰相傳磨陀囉哆自西竺來栖此

水洞在

府東十五里象眠山下相傳磨陀囉哆以錫杖疏濬弓江水處

象跪石在府北八里元世

祖自麗江至此象跪不行因名

松桂營在府南六十里明顯國公傅友德征佛光寨駐此

舊順州城在府東南明萬曆間築州裁城存

觀音崖在府治西南一百二十里太平寺正

殿中相傳六詔時觀音大士見長者身於此後至榆以法伏羅刹王開大理崖下時有白兔一

隻士見發貴民見發財至今以爲祥徵

菩提井在府西南八里迎揖村後圓六尺許世傳

磨陀囉哆神僧西來鄉人迎而揖之居此井旁僧種菩提或榮或枯以驗歲豐歉

眠龍洞

在府西南百二十里觀音山之龍門舍洞深五丈闊三丈崖嶂岑蔚飛泉瀑布清氣襲人建文

皇帝出亡往來宿於此者數年故名

大士石在觀音山梅城石塔下出鹽水有毒不可食

大士用石鎮於其上四圍有符籙今莓苔剝蝕不可辨矣

騰脂海在府南八十里馬耳山

之南有巨津中發紅霞其水似脂染取出澄清如常

春水在觀音山蓮花寨之北立夏前

三日出後七日止水無定所每出時地中灑灑有聲土人循其聲掘之其水始出能除百病遠近村民競飲之走癘方者飲之不染瘴癘患瘴癘者飲之立除外境人尤效數日內有鸚鵡綠斑鳩數百羣飛來飲水渴而去

龍馬洞在觀音山驛東山下林木荆棘中相傳昔有龍馬出入其中朱鼠馳驟鄉人多以牝馬放於洞中間有產龍駒者故號龍馬洞並以名其村焉

嘯哆尊者愈痂石石高四尺許廣如之文成五色陸離奪目在府南觀音山梅城石塔後其地產異草能療百病嘯哆尊者因母病負母至此於石上以錫杖杵石成臼取草搗藥復用指指石出泉合之以進母病卽愈至今石上池水不溢不竭冬夏常溫鄉人取水飲之以祛病焉但其草無復有識者矣

星隕石石形如圭方平如削出土四尺許上有紅紋察之無纖毫斧鑿痕在府治西白馬廟殿中近有好事者欲窮其末掘深至丈餘方平如一終不知其末之何所底也

飛來石在西山廟殿內

銀河源出山神哨水白如雪十數步輒一折曲屈流

入南甸味甘美取以釀酒香酣倍他處或遇浮雨土人聞河中有音樂呵導聲竟夜不絕數日內郡必水災急取嚕陀嘯哆尊者所遺錫杖於象眠山水洞中觸之水不能爲害

石璫

天光每歲二八月微雨新霽夕陽初麗見兜羅錦雲緬地有大圓光一道外暈數重每重五色環中虛明如鏡凝視者各見自身於鏡中毛髮可數若旁人雖至近不能見殆攝身光也夜現者必至中秋夜無纖毫雲霧滓穢太清然後自月中流下一點約有彈丸大中外明瑩如水晶漸下漸散成一小白圓光懸空中須臾又有小如螢者大如盤盂者纍纍從月中墜下同懸一處從石瑤高處視之如數百枚玉環搖曳於碧虛間移時散作銀絲縷縷盤旋首尾交合作一太極圈素彩奪目滿川澄徹似一小銀河照見自身若鏡中影同游雖多有一人見餘人或不見衆人皆見一人獨不見者故謂之佛光

漾江煙柳江形如蛟龍每里許一折每折必逆回屈曲如玉環游人擇舟其中經一環約六七里夾岸皆青柳天桃每歲春時柳初舒眉間桃花點綴江濤綠煙紅雲從堤上倒映水中清麗兩絕遊覽者往來如在錦繡中仰視則春在枝頭俯矚則天在水底武陵源何必在漁人問津處耶

鏡潭雪石在拱面山高數十仞可卜

陰晴自踵及頂皆奇石巒峴有如禽而伏者獸而蹲者方成圭而圓如璧者橫斜如劍而不可犯者氣象萬千大都以骨勝不以肉勝也石色白望之如積雪與下白龍潭水輝映如鏡遊人

從水雲中往來倦則登清虛閣而憩焉郡守馬卿觴於此醉以袍袖濡墨書三大字於石壁曰
雪石巖 天池夜月在仰止山側天池寺中殿佛座下池鑿以磚石泉甚甘冽澄澈可鑒鬚

眉每中秋夜從池中現一月輪水漸變爲碧色久之清光自水中出一室皎然雖微物亦可辨
識 龍華夕照卽龍華寺在東山之陰巒聳峴朝陽不及日夕廻照則泉石花鳥之奇殊

爲奪目

澄潭竹樹潭名小西湖其先爲密箐也一夜水泛成海廣袤約十里許奇石玲瓏

聳峭無一不堪下拜者值荷花開時宛然一幅西子照鏡圖每當夕照一泓澄碧如冰盤凝視
不見其底有竹修然叅差於老樹間在水最深處飄搖如荇藻冬春間放梅花一兩枝似可以
手採取及以舟篙觸之深不可及修撰楊升菴同侍御李中溪載繩一舟以鐵鉤繫繩頭鉤取
枝葉繩沒盡竟不能至竹樹所收繩量之足六十丈嘆爲奇觀題澄潭竹樹四大字及詩兩絕
而返 梅城石塔梅幾三百餘株環列成城花時冉冉如白雲初起上有三石塔負山屹立

本豐而末銳四稜方正無敵斜色類丹砂嶄然中立者高百尺許其二約有三丈許爲左右翼
中空如屋遊人從中空處扳援而上至頂平敞如丈室可坐六七人洞穴儼然如窗櫺下視梅

城如坐白雲上冷然若仙也塔外周正滑澤而內玲瓏非人間斧鑿所能施亦異景矣修撰楊升菴觴於此題曰天生石塔又曰梅塢寫梅花百咏於亭中 螺峯野色峯純石斗絕不可

上形如螺又如佛頂髻登其巔四望原野見江如帶田疇如龜坼環郡諸山隱隱來赴如屏幕村舍出沒如倪迂寒林圖雲氣如鶴鵲廻翔林莽間差可淨人耳目亦郡之大觀也

劍川州

金華朝陽州鎮山也深秋鷄鳴前山頂有紫金光燦爛如日色移時復昏 玉龍晴雪在州

北一百里卽雪山天氣清明遠眺如銀屏號玉龍山 東嶺夕暉境內暮後獨此有霞光返

照 海門秋月中秋晚月未出海門水中先有月映 桑嶺古木元季時有唐磁州潞陽

縣令崔子玉爲神於桑嶺村一夜忽移大樹於村旁故以古木名之 石寶靈泉出石寶山

頂石崖中闊尺許深二尺許甚寒冽多汲不涸少汲不盈飲之可愈病 湖面漁燈湖中漁

人夜靜捕魚火光如星麗天 郊邊牧笛州南海邊中秋前後常有牧童吹笛之聲就之無

人亦異景也 木佛在州南二里昔蒙氏征麼些渡金沙江有木逆流刻爲佛號千光如來

德望城址在州南三里段氏時築卽今水寨村

羅魯城遺址在州南十五里唐時築卽今

瓦窰村

元世祖城在州南百三十里元世祖駐兵處

巨人掌在州南二里金鷄栖巖

上有巨人掌跡大如箕旁有碑今剝落莫辨

佛洞在石寶山澗中白石叢生宛如佛像

鐘山石佛在治西南五十里山中有石如鐘形名曰鐘山崖石錯落有石人石獸之形精巧玲

瓏工於鏤琢間有斷指百竅皆空有石如叢蛙俗呼聽法蛙又有洞名聽法傾耳有聲盤號洗

頭千秋如鏡

金山銀渡二山名在州南沙溪一赤色如金一白色如銀俗傳山地不可耕

犯之必歲凶時疫

石龍在治南五里俗傳武侯斷其背寬尺許深數丈

諸葛治煞處

在永磅後山

諸葛池在治北二里武侯南征飲馬於此今墾爲田

牛魔王洞在治西

南四十里石寶山箐中洞口七八尺水從中流內可容數百人上有天窗停午見日山腹處

皆空前人書千字文於崖壁秉炬循字而入直抵山陰有竇可出若不循字誤投旁洞卽迷難

出俗傳唐僧取經迷於此

石明月在治南一百二十里橋後村崖壁有白石如輪夜間田

水映之皎如明月

陵墓附

府志

本府

明副都御史彭富墓在府西坪

光祿寺少卿楊掄墓

戶部右侍郎楊方盛墓俱在府

南班登山

建文從亡二臣墓在府西南觀音山之龍門舍蘭若寺下應賢能葬於此

翰林吳堯弼墓在府西立塔寺後

刑部郎中陸經墓在府西萬桃山

參政朱佩墓在

西龍潭上

會魁查偉墓在城南小教場

巡按張宗載墓在仰止山下

兵備道孫

健墓在林泉寺側

劍川州

沖霄王墓在治西南七里斷碑

段恭節墓在治西二里御葬祭品俱勒石

光祿寺

卿楊棟朝墓在石龍寺後鍾賢嶺

何景陽墓陽葉榆人與子桂枝俱仁厚有潛德在劍經

商卒枝以所執杖望空遙擲視其落處而葬其後科第連綿人以爲得吉地焉

鶴慶府部藝文一